



SULEQATIGIISITSISUT  
SAMARBEJDSPARTIET

EM2018/107  
Tillie Martinussen

25. oktober 2018

(Inatsisartunut ilaasortaq, Niels Thomsen)

**Aningaasartuutit suulluunniit Inatsisartunit taakkulu allattoqarfianit aningaasartuutigineqartut kikkunit tamanit takuneqarsinnaanngornissaat pillugu taamatullu kikkut tamarmik paasiniaasinnaanngornissaat pillugu Inatsisartut Suleriaasiata allanngortinnissaanut Inatsisartut Siulitaasoqarfiat siunnersuuteqaqqullugu peqquneqarnissaanik Inatsisartut aalajangiiffigisassaattut siunnersuut.**

(Inatsisartunut ilaasortaq, Tillie Martinussen, Suleqatigiissitsisut)

Siunnersuutigineqartoq tunngaviusumik isumaqatigilluinnarparput. Ingerlaqqikkusuppugulli, qulakkeerlugulu Naalakkersuisunit Inatsisartunillu naatsorsuutit bilagillu saqqummiuttarnissaannut ingerlaavartumik inuiaqatigiinnut takuneqarsinnaanngornissaat anguniaratsigu.

Taamaaliornikkut paasissutissanik ilisimatinneqarnissamik qinnuteqaateqartarnernut allaffissornikkut suliaqartarneq unitsinneqarsinnaassaaq, naleqqutinngitsunillu pisinnaasut siusinnerujussuakkut unitsinneqartarsinnaassapput.

Taamatut aaqqissuussineq allaffissornikkut aqukkuminartuuvoq, maanna paasissutissanik ilisimatinneqarsinnaanermut qinnuteqartatunut allaffissornikkut aqutsinermut sanilliullugu, tassami bogføringit naatsorsuusitortarnerillu Naalakkersuisuni Inatsisartunilu suliarineqareertarput. Akissarsianut, ajunngitsorsianut, ilassinninnernut angalanernullu aningaasartuutit eqqaarsaatigalugit.

Taamaattumik uunga isumaqatigiissutaasumik allannguutissatut siunnersuut saqqummiupparput, taamaalilluni Naalakkersuisut pisussaatinneqassasut taamatut aaqqissuussinissamat ukiut marluk tikillugit atuutsitilernissamik aaqqissuusissasut, taamaalillunilu aningaasaatigisanik atuinerit tamakkiisumik saqquminissaat tikinneqassamat.

Taamaalilluta allannguutissatut siunnersuut imak ittoq saqqummiupparput:

Allannguutissatut siunnersuut:

***Inatsisartut aalajangiiffigisassatut siunnersuut, Inatsisartut siulittaasoqarfiat qinnuigineqassaaq Inatsisartut Suleriaasiannut allannguutissamik siunnersuummik saqqummiussissasut, tassani aalajangersarneqassasooq, aningaasartuutit tamarmik, Inatsisartunit allaffeqarfiannillu aningaasartuutaasut pisortat ingerlatsinerat pillugu paasitinneqarsinnaatitaanermut ilanngunneqassasooq, kingusinnerpaamillu 1. Januar 2020-imi aaqqissuussisoqassasooq bilagit aningaasartuutigisanut tunngaviusut angalanernut, ilassinninnernut, biiligisanut, atorfinnut atatillugu inissarititanut aamma Inatsisartunut ilaasortat najugaqartinneqartarnerannut aningaasartuutit Inatsisartut nittartagaatigut ingerlaavartumik saqqummiunneqartalissasut.***